

Niki Yesu wakwie?



1. Nundu ithyonthe twi ene nai!

Ti vinya kwitu kwitikila kana ithyonthe nitweekie maundu ala twisi nimathuku, na ingi notumekaa. Isu niyo yitawa nai, ithyoonthe twina nai kuma ila twasyaiwe.

Maliko 2:17 “Na Yesu eew’a uu amea, Ala mate awau mati vata wa muiiti, indi no ala awau: ndyaauka kwita ala alungalu indi ni ala athe.”

Alomi 3:10 “O tondu kuandikitwe, kui mulungalu, aiee, ona umwe;”

Mathayo 18:11 “Nundu Mwana wa Mundu niwokie kutangiia kila kyaite.”

2. Nundu vena ndivi ya nai isu!

Mathayo 15:18-20 Indi maundu ala muamaa kanyw’ani maumaa ngooni; na nimo mathukasya mundu. Nundu ngooni nivo vaumaa malilikano mathuku, mauaani, molaalai, mawathavu, mong’ei, ukusi wa uvungu, moumano: asu nio maundu ala mathukasya mundu; indi kuya na nzaa itathambitwe kuithukasya mundu.

Alomi 6:23 “Nundu ituvi ya nai ni kikw’u; indi muthinzio wa Ngai ni thayu utathela nthini wa Klisto Yesu Mwiaii.”

Maliko 16:16 “Ula unukwitikila na kuvatiswa akatangiiwa; indi ula utekwitikila akasililwa.

Uvuanyo 20:12-15

12 Na noona akwu anene na anini maungeme mbee wa kivila kyu kyeu: na mavuku mavuanwa na ivuku yingi yavuanwa, nayo ni ivuku ya thayu: na ala akwu masililwa na maundu ala maandikitwe mavukuni asu kwianana na meko moo.

13 Na ukanga waumya akwu ala mai nthini waw’o; na kikw’u na vandu vala maveva ma ala akw’u mekalaa syaumwa akw’u ala mai nthini wasyo na masililye kila mundu kianana na meko make.

14 Na akw’u na vala maveva ma ala akw’u mekalaa syekwa iiani ya mwaki.

15 Na ethiwa mundu ona wiva alea kwoneka aandikitwe ivukuni ya thayu, niwekiw’e iiani ya mwaki.



Vena ndivi ya nai isu!

3. Nundu Yesu niwakwie na aiva nai situ ngelany'oni!

Mathayo 1:21 “Nake akasyaa kavisi; naku ukaketa syitwa yaki YESU; nundu niwe ukatangia andu make kuma naini.”

Alomi 5:8 “Indi Ngai Niwoonanisye wendo wake mwene kwitu, ati yila twai athe, Klisto akwa kwondu witu.”

Yoana 3:16 “Nundu Ngai niwendete nthi, niwanenganie mwana wake e umwe, ni kana ula umwitikilaa ndakae, indi ethiwe na thayu tathela.”

Mathayo 18:11 “Nundu mwana wa mundu niwokie kutangia kila kyaite.”

4. Utangiio ni muthinzio wa mana, ti kwoondu wa meko maseo. No kwitikila undu ndeto ya Ngai ikwasya, na kumuikii Yesu weka!

Utangiio ni kumuikii na kumwosa Yesu Klisto ta mutangii waku. Nikwitikila uw'o kana Yesu Klisto niwakwie ngelany'oni ya Kaivali ni kana akuivie thii wa nai syaku. Nikumanya kana we vyu vai kindu utonya kwika kwoondu wa kwitangia mwene na indi uikita umuikii Yesu Klisto autangiie!! Ti ikanisa ona yiva yitangia, Ti uvatiso, Ti meko maseo, Ti sakalamendi, Tikualyuka, Ti kwa kutindia kuvoya saa syonthe, Ti kwa kwikala thayu museo – **TI UNDU ONA WIVA UTONYA KWIKA!!**

Aeveso 2:8-9 Nundu nimutangiitwe na mumo kwondu wa muikii; nawo ndumite kwa inywi ene, ni muthinzio wa Ngai Ti undu wa meko, kana kuikethiwe mundu ona wiva kwikathia.

Tito 3:5 Ti kwondu wa meko ma ulungalu . ala ithyi tweekie, indi kwianana na tei wake niwatutangiie, kwondu wa kuthambw'a kwa kusyawa ingi na kutwikithw'a eu ni Veva Mutheu,

Meko ma Atumwa 4:12 Ona kuti utangiio kwa ungi ona wiva w'onthe: nundu kuti syitwa yingi itheo wa itu, yinengetwe andu, yitwaile ithyi kutangiwa nayo

5. Twaile kwelekelya muikii witu na kumuikii Klisto eweka!

Maliko 9:23 “Na Yesu amwia, ethiwa we nutonya! Maundu onthe nimatonyeka kwa ula unukuikii.”

Maliko 1:15 “Akyasya, ivinda ni iviku, na usumbi wa Ngai, nuthengeee: alyulyai ngoo na mukitikila uvoo museo.”

Maliko 10:15 “Niw’o ningumwia, O ula utosaa usumbi wa Ngai ta kana kanini, ndakalika vo nongi.”

Alomi 10:9-10, 13 “Nikwithiwa ethiwa ukamumbula Yesu na kanyw’a waku kana niwe Mwiaii, na ukeetikila ngooni yaku kana Ngai niwamuthayuukisye kumumya akwuni, ukatangiiwa. Nundu mundu niwitikilaa na ngoo kuvikia ulungalu; na niwumbulaa na kanywa kuvikia utangiio nundu, O ula ukekaila syitwa ya Mwiaii akatangiiwa.



Wie muikio waku kwa Klisto eweka!

Ethiwa nukwenda kumwitikila Yesu Klisto ta Mutangii waku na kwosa uekeo wa nai kuma kwa Ngai, vaa ve mboya ila wailwe ni kuvoya, kuneena mboya ino kna mboya ingi kuyiutangiia, no kwoondu wa kumuikiia Yesu Klisto kutonya ukunenga uekeo wa nai. Mboya ino no nzia ya kumwony’a Ngai muikio waku nthini wake na kumutungia muvea nundu wa ukuekea nai syaku.



“Mwiaii,

Ninisi ni mwene nai. Ninisi ninailwe ni usililo undu wa nai yakwa ila ni kukwu iiani ya mwaki. Indi yu, Ningumuikiia Yesu Klisto ta Mutangii wakwa. Ninguikiia kana kikwu

kyake na kuthayuuka kwake kwaetie uekeo wa nai syakwa. Ningumuiikia Yesu na Yesu ta Mwiaii wakwa na Mutangiii. Ni muvea Mwiaii Nundu wa undangia nyie! Ameni!

Ethiwa niwavoya mboya isu – kuatiania na ndeto ya Ngai – NIWATANGIWA!! ALELUYA!!

Nutonya kwasya, mbona ndikwiwa kivathukany'o. Wiona ata? Utangiio waku nduutengemea miwile yaku. Indi WONTHE witengemea kwika undu Ngai UKWASYA.

Ngai aisye ethiwa nuumwosa na kumuikiiia Yesu Klisto niwatangiiwa. Sisyaa vaa vai kwasya “nutonya” kana “nivatonyeka” ukatangiiwa – indi veasya “ukatangiiwa” WIMUTANGIIE!!

O ula ukekaila syitwa ya Mwiaii akatangiiwa. Alomi 10:13

Nuumuikiiia Mwiai Yesu Klisto? Sisyaa undu Yoana 3:36 vekwasya, veasya WINA THAYU WA TENE NA TENE!! Ti “Nivatonyeka” kana “Niikwatya ou” – INDI ENA – WIMUTANGIIE!!

Ula umwitikilaa u Mwana ENA THAYU UTATHELA: Indi ula utamwitikilaa u Mwana ndakona thayu; indi uthatu wa Ngai wikalaa iulu wake. Yoana 3:36

Munyanyawa ethiwa niwavoya mboya isu na wamwosa Yesu Klisto – WIMUTANGIIE!! Na niweeka undu Ngai waitye – NA NGAI NDATONYA KUNEENA UVUNGU.

Nthini wa wikwatyo wa thayu utathela, ula Ngai wathie mbee wa mavinda ma tene tene, nake ndatonya kuneena uvungu. Tito 1:2